

JUNIOR SECONDARY CERTIFICATE

SETSWANA FIRST LANGUAGE

1109/1

PAPER 1 Reading and Directed Writing

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

DITAELO LE TSHEDIMOSSETSO GO BAITHUTI

- Kwala dikarabo mo bukaneng e o e neetsweng.
- Kwala Nomore ya Gago ya bokwadi le Maina a gago mo bukaneng e o neetsweng.
- Dirisa pene e pududu jwa loapi kgotsa e ntsho.
- O kopiwa gore o seka wa dirisa dipene tsa mebala e e farologaneng kgotsa dipene tse di phimolang fa o fositse.

- Araba dipotso **tsothe** ka botlalo.

- Tlhokomela mopeleto o o fosegileng matshwao a puiso, le popego ya dipolelo.
- Maduo a neetswe mo masakaneng [] mo bokhutlong jwa potso nngwe le nngwe.

This document consists of **6** printed pages.



Republic of Namibia

MINISTRY OF EDUCATION, ARTS AND CULTURE

KAROLO YA A

Buisa temana e e latelang o tle o kgone go araba dipotso tse di latelang ka bokgabane.

Boipuso thaego e ntle

Ee, ke gakologelwa letsatsi le jaaka e kete go diragetse maabane. Go ne go le tsiditsana mo maabanyaneng a letsatsi leo fa mokgosi o kuiwa gore batho ba tle kgotleng, go itsesiwe fa letsatsi la boipuso le atamela, le gore lefatshe leno le apola kobo ya tshireletso, le gone gore e tla re Mopitlwe a ya fifing ka 1990 go bo tsetsewe Namibia yo mošha. Aferika Borwa e ne o ile a bona boipuso ka Mopitlwe 1994. Ka lebaka la Tautona Nelson Mandela yo o ileng a nna mo kgolegolong mengwaga e le some a mabedi supa (27). Erile fa Namibia e bona boipuso Aferika Borwa a folosa folaga ya bone go supa fa e le yone e lwetseng Namibia re sa le bale Tautona De Klerk mo kgololosegong e.

Le fa ke ne ke le mmotlana, dingwaga di le lesome le bobedi fela, ke le lephiritshwana, ke gakologelwa ke apere kaki ya me ya bosupatsela, ke le mongwe wa batho ba ba tlileng phuthago ya ditso tse di botlhokwa tsa lefatshe fano. Mongwe le mongwe wa baphuthegi o ne a tsibisiwa go ipaakanyetsa letsatsi le legolo la ka maatlametlo. Le fa ke ne ke sa itse botlhokwa jwa se se neng se buiwa ka nako eo, ke ne ke itumetse thata fela jaaka mongwe le mongwe.

Batho botlhe go ya ka mogoro wa bone ba ne ba kgobokanela mo dikgotlaneng tsa bone, go ngunanguna methale e e botoka ya go ipelela letsatsi le legolo le. Le ne la goroga ka setungwana, la ketekwa ka maatlametlo go ralala naga ke maNamibia ba ba neng ba thebeleka ka boitumelo, ba gopola nako e Modimo o ba golotseng mo botshwarong jwa bokolone ka yone. Botswana le Zimbabwe jaaka e le mafatshe a mabapi a SADC a ile a itumelela kgololosego e Aferika Borwa e tlileng ya e lwela mme ya diragala ka thato ya Rramasedi.

Pina e ne e opelwa ka tlhwoafalo maNamibia ba tsentse marapo dinameng. Ke gakologelwa ka botlalo gore e ne e le letsatsi le le neng le tletse ditiragalo, go le dibui tsa ditšhaba, mophato wa masupatsela, merafe. Koma e elela bowatleng, mogolokwane o thiba ditsebe, o foo ke fano, baopedi ka go farologana ba ntsha ga tshwene, lerolo le beta mokodue, ka ba ka ikutlwa mo pelong ke re "Letsatsi leno go monate go rona maNamibia."

Go ne go lebe ga o ka re mongwe le mongwe o reeditse Modimo wa gagwe, mme o leketse kwa kgotleng go leboga Mmopi wa gagwe go tliša kgololosego e e sa leng e letilwe mo lebakeng le le leele. Ka re o ne o se yo, ke ne ke le teng, go ne go lela dinaka, mapatata, legofi, meropa, go utlwala medumo ya ditlhobolo, medumo ya sengwe le sengwe e thiba ditsebe. Morago ga moo ga tsena nako ya dijo, e mongwe le mongwe a neng a ipapa, le ba ba se nang meno ba ne ba kalea fela. Bana ba ba nnye ba ne ba latswisiwa moro fela.

Le fa ke ne le monnye go le kalo ke ne ka itumelelela go nna bontlha bongwe jo bo neng jwa bona maNamibia e gatela pele go tswa mo bokoloneng. Ke ne ka gata ka thata ka ba ka ema jaaka lesole fa folaga ya Aferika Borwa e folaga ya Namibia e tsaya maemo a yona gareng ga difolaga tsa mafatshe.

Le basimane ba ba nnye jaaka nna, ba ne ba lemoga se se diragalang. Ipatso ya diphathi ka go farologana e ne ya gotela go ngokela batlhophi mo makgamung a a farologaneng. Go ruta batlhophi ka tlhopho go ne go dirwa ke seromamowa, dipampiri tsa dikgang, ditshwantsho tsa motshikhinyego, le dikapetlana tse di nang le molaetsa wa ditlhopho di ne di gasagasiwa ka difofane tse di potlana go ralala Namibia. Ditlhopa ditshwana le DTA, SWAPO, UDF le tse dingwe tse di santseng di ipopa di ile tsa tsenelela ditlhopho. Ka o setse o bona kwa Aferika Borwa jaaka EFF le DA di gaketse ka dipotsoloso mo palamenteng.

Ka letsatsi la ditlhopho, mela e meleele e e metsopodia e e neng e simologa tllhabong ya letsatsi go ya phirimong ya lona, e ne e le matsapa fela go ba ba nyoretsweng tlhopho. Go ne go se letsapa le ba fisang pelo, ba ne ba itshokela go nna mo tseleng ya tlhopho go fitlhelela thato ya bone e diragala, ka e ne e le la ntlha ba bona sebaka sa go dira jalo, gape ba ikaeletse go nna bontlha bongwe jwa tiragalo e ya ditso.

E ne e le kgwetlho e kgolo e boipuso bo e lereditseng maNamibia ka kakaretso, mme ba sena pheko ya mathata a a ba aparetseng, ba goga ka borepe, ba itsetetse kwa godimo, ba gogwa ke rre Sam Nujoma go fitlhelela ba e fenywa ka mowa wa boipelo.

Ke utlwa botlhoko thata fa ke leba kwa morago, dipatlelo tsa dipolotiki di fetogile thata, le ditlhopho tsa bosetšhaba e se selo se se tsetsweng tsia jaaka bogologolo, le mowa wa boipelo o fetogile matsapa a matsapa.

Potso 1

- 1 Namibia o bone leng kgololosego?
 - A 21 Mopitlwe 1994
 - B 20 Mopitlwe 1990
 - C 21 Mopitlwe 1990
 - D 25 Mopitlwe 1990

[1]

- 2 Batho ba ne ba bilelwa eng kwa kgotleng?
 - A Go itsisiwa fa letsatsi la boipuso le atamela.
 - B Go itsisiwa fa go sa tlhopiwe.
 - C Go rutiwa gore go tlhopiwa jang.
 - D Go itsisiwa ka dilo tse di batlegang go tlhopho.

[1]

- 3 Go ne ga fologa folaga ya lefatshe le efe fa Namibia a bona boipuso?
 - A Ya Botswana
 - B Ya Zimbabwe
 - C Ya Zambia
 - D Ya Aferika Borwa

[1]

- 4 Tautona e e ileng ya lwela kgololosego ke mang?
 - A Tautona Nelson Mandela
 - B Tautona De Klerk
 - C Tautona Sam Nujoma
 - D Tautona Hage Geingob

[1]

- 5 Ke ditlhopho di feng di ileng tsa tsenelela ditlhopho moNamibia?
 - A DTA le DA
 - B SWAPO le COD
 - C SWAPO le EFF
 - D UDF le DA

[1]

- 6 Ke ka ntlha ya eng batho ka bontsi ba ne ba kgatlhegela go ya go tlhopha?
- A Ba ne ba lapisitswe ke kgatelelo.
- B Gore ba itsiwe ke mmuso.
- C Ba tshaba go gelwa kwa ntle ke puso e ntsha.
- D Ba akanya fa botshelo jwa bone botlhe bo ka siama. [1]

[6]

Potso 2

- 7 Batlhophi ba ne ba rutwa ka didirisiwa dife go ka itse le go tlhopha sentle? [4]
- 8 Neela dintlha tse di go supetsang gore maNamibia ba ne ba itumetse fa letsatsi leo le goroga. [3]

[7]

Potso 3

- 9 Ke dilo di feng di ileng tsa dira modumo o o thibang di tsebe? [3]
- 10 Pele ga boipuso batho bantsho ba ne ba tshela botshelo jo bo ntseng jang? [4]

[7]

[20]

KAROLO YA B

Buisa temana e e latelang o tle o kgone go araba dipotso tse di latelang ka bokgabane.

Setswana se ya kae?

Ga twe e rile bogologolo tala, Batswana ba ne ba bua Setswana se se phepa se se nang le fa e le selabenyana. Ka nako eo, sedirisiwa gongwe le gongwe, a e ka tswa e le sekara sa mogoma, lefeelo, kika, pitsa ya maotwana a mararo kgotsa eng fela se se fitlhelwang mo tikologong, se ne se amana le ngwao ya Motswana e tshwana le temo-thuo, kobamelo Modimo ka badimo, go supa le tse dingwe fela jalo ditemalo tsa bone.

O se ka wa nkutlwa ka tsa ga morakile, golo fa le fa ke re 'ga twe e rile 'jaana, ga ke tlhabe leinane, ke fela gore le nna ke bua ka dilo tse ke di tlotletsweng mme ke se na maitemogelo ape ka tsone. Tota ka bokhutshwane kgang e ke magatwe fela, ke selo se rona bašha ba gompiano re ipotsang gore fa lobaka lo lo ne lo re fitlhetse, botshelo bo ka bo bo ntse jang. Se ke sone se se dirang gore e re gompiano go bo go nwa disanyana go lekwa go bonwa gore di tsamaile bogole fa kae, mme di ka busediwa mo tseleng fa kae.

Mongwe wa barotloetsa-ngwao, Gomolemo Motswaledi, e ne ya re go šheba kwa morago a bona fa dilo di ile tsa senyega jaana; dipaka ka go latelelana, go simolola ka dingwaga tsa puso ya makgoa, thuto ya makgoa le tumelo di goroga, dintwa tsele tse dikgolo tsa borwa jwa Aferika tsa go batla mahudiso, puo ya Setswana e amegile fela jaaka dipuo tse dingwe tse e neng e kopana le tsone ka batho ba tsone. Go tlhakathakana mo ga Setswana le dipuo tse dingwe go ne ga kekela e bile molelo wa teng o sa ntse o peperetla.

Batho ba ne ba simolola go amanya Modimo le makgoa. Jalo he! Dilo tse di molemo ba di amanya le tsa makgoa, Ka makgoa a ne a tlotlwa thata, dingwao dingwe tsa Setswana tsa nyelediwa ke go nyelela ga ditiro tse di neng di lejwa e se tsa Modimo wa 'makgoa' o sa di batleng jaaka bojale le bogwera. Puo e e neng e tsamaelana le dingwao tseo ya tshela ka go boniwa go fitlhelela e ya, go ipapaillela le gone go ne ga fetoga, batho ba ya meepong le dintweng tse dikgolo, jalo badisa ba dingwao le dipuo ba phatlalala. Merafe e ne e sasankisiwa ke dintwa, jalo ba patelesega go tshela le ba dipuo tse dingwe, go di ithuta go fitlhela dipuo tse di adimana mantswe.

"Thuto" re ne re na nayo le tsotlhe tsa yone, puo e le mo teng, pele ga dikole tsa sekgoa di tla, mme ya re fa e tla jaanong thuto ya raya sekolo le di-tsa-sone, jalo ra itlhontsha ele ya rona. Ka go rialo ra laletsa mmaba yo mogolo wa go itsapa go tlotlomatsa dipuo tsa rona. Tota, di ne di tlabisa ditlhong. Fa go twe 'Thuto le lesedi, ke thebe, ke bokamoso.'" Jalo jalo go tewa ya kwa sekolong.

Mekgatlho e e tlotlomatsang dingwao le botswerere jotlhe jwa Batswana ya ema ka dinao. Mme legale go na le banana ba ba ratang Setswana le dipuo tse dingwe tsa bone. Ba tswa pelo fa ba bona mongwe a dira bontle mo go se ba simolola go kgothatsega le go reologa mo mogopolong wa go nyatsa dipuo tsa bone. Banana ba ipona ba na le seabe mo go tlahabololeng dipuo tsa mono gae. Go tshwanetse mme ga itsiwe fa puo e ratiwa e bile e abelanwa.

Bagolo ba tshwanetse go dira tse di ka thusang banana go semelela mo boikarabelong jwa bone jwa go tlotlomatsa puo. Setswana e le puo ya setšhaba, ba ka nna le seabe se segolo go se tlotlomatsa. Ka go se ela seoposengwe ka go rotloetsa bana go bina dipina tsa setso, go apaya dijo tsa Setswana, go apara sentle jaaka ngwana wa Motswana o ilela mmele wa gago, bogolo thata fa o ya kwa mafelong a a farologanyeng a tshwana le kwa kerekeng le kwa phitlhong.

Potso 1

- 11 Ke ka ntlha ya eng thuto ya kwa sekolong e le botlhokwa? [3]
- 12 Ke dilo dife tse pedi tsa batho bantsho tse di ne tsa nyelela ka ntlha ya makgoa? Neela mabaka gore ke ka ntlha ya eng dilo tseo di neng di le botlhokwa mo Batswaneng? [4]
- 13 Ke didirisiwa dife tse o kgonang go di fitlhelang mo tikologong se amana le ngwao ya Motswana. [4]
- 14 Bagolo ba tshwanetse go rotloetsa bana jang gore ba tlotlomatse Setswana. [3]
- 15 Puo ya Setswana e nyeleditswe ke eng? [3]
- 16 Fa Setswana se nyelela go ka diragalang ka morafe wa Batswana. [3]

[20]**Potso 2**

- 17 Ipaakanyetse puo e o yang go e neela morafe wa Batswana go rotloetsa bana ba bone go tswaledisa Setswana mo dikolong le botlhokwa jwa sone ka kakaretso go re se se ka sa nyelela.
Mafoko a tlhamo ya gago a nne fa gare ga **150** le **200**.

[20]